



Forskrift om gravplassvedtekter

Fitjar kommune

Vestland fylke

Vedteken av Fitjar sokneråd den _____ med heimel i lov av 7. juni 1996 nr. 32 om gravplasser, kremasjon og gravferd (gravplasslova) § 21 første avsnitt, § 8 første avsnitt og § 14 første avsnitt og forskrift til lov om gravplasser, kremasjon og gravferd av 10. januar 1997 nr. 16 (gravplassforskrifta) § 15a fjerde avsnitt.

Godkjent av Statsforvaltaren i Vestfold og Telemark den _____, jamfør lov av 7. juni 1996 nr. 32 om gravplasser, kremasjon og gravferd (gravplasslova) § 21 første avsnitt

§ 1. Definisjonar

Gravplassmynde: Fitjar sokneråd.

Festa grav: Grav som det er inngått eller fornya festeavtale for.

Festa gravstad: Fleire kistegraver som er festa saman.

Ordinær urnegrav: Grav til oskeurne med plass til fire urner.

Urnegrav i minnelund: Grav til oskeurne i minnelund med plass til éi urne.

Kistegrav: Grav som følgjer gravplassforskrifta sine krav til storleik for gravlegging av kister. I ei kistegrav kan ein òg gravleggje oskeurner.

Fredingstid: Tidsrom frå siste gravlegging til ein kan nytte grava igjen til ny gravlegging.

Festetid: Tida som det er avtalt å feste ei grav.

Gravansvarleg: Den som er ansvarleg for ei tilvist grav.

Festar: Den som står som part i ei festeavtale.

Anonym minnelund: Gravfelt for anonyme graver. Feltet kan ha eit felles minnesmerke utan opplysningar om kven som er gravlagt.

Namna minnelund: Gravfelt med felles minnesmerke med namn og data på dei som er gravlagde der.

§ 2. Ferdsl på gravplassane

Besøkjande skal om mogleg ferdast gåande, jf. gravplassforskrifta § 9 andre avsnitt.

Gravplassmynde kan etter søknad gje løyve til å køyre ved dokumentert sjukdom/forflyttingshemming. All køyring skal skje særleg omsynsfullt.

§ 3. Gravplasstilhøyrse

Avdøde personar som ved dødsfallet var busette i kommunen har rett til fri grav dersom gravplassmyndigheita har tilvist grava. Retten til utvida frigravsperiode er nærmare regulert i gravplassforskrifta § 16 første avsnitt og gravplassforskrifta § 18 ande avsnitt.

Avdøde personar som på grunn av sjukdom eller alderdom har budd i ein annan kommune mot slutten av livet, blir rekna med på same måte som kommunen sine eigne innbyggjarar, og har rett til fri grav dersom gravplassmynde har tilvist grava.

Avdøde personar frå andre kommunar kan bli gravlagt i kommunen mot at kostnadane ved gravferda og avgift vert betalt som ved feste av grav.

§ 4. Fredingstid

Fredingstida for kiste- og urnegraver er minst 20 år.

§ 5. Stenging for kistegravlegging

Med heimel i gravplassforskrifta § 5 er gravfelt A, B, og deler av F, stengde for kistegravlegging. Kva graver som er stengde på felt F, kjem fram av vedlegg til vedtektene.

§ 6. Feste av grav med meir

Når ei kistegrav skal takast i bruk, er det høve til å feste ei grav ved sida av, og etter søknad til gravplassmynde; for ei ekstra grav i tillegg når behovet tilseier det. Desse gravene utgjer då éin gravstad.

Ved bruk av ei ordinær urnegrav, kan ein ikkje feste ei grav ved sida av.

Ved feste av ei grav ved sida av den kistegrava som ein først nyttar, er festetida 20 år.

Når festetida/fredingstida er ute, kan ein feste grava/gravstaden for nye 10 år. Når det er gått 60 år etter siste gravlegging, kan festet ikkje bli fornya utan etter særleg samtykkje frå gravplassmynde. I god tid før festetida er ute, skal forvaltninga varsle festaren.

Dersom ikkje feste er fornya innan seks månader etter forfall, går grava eller gravstaden tilbake til gravplassen.

Innbetalt festeavgift blir berre betalt tilbake dersom tilbakebetaling følgjer av bindande rettsreglar eller det ligg føre særlege grunnar.

Det kan ikkje gravleggast i ei grav utan samtykke frå gravansvarleg eller festar. Dersom det ikkje er råd å hente inn samtykkje frå gravansvarleg eller festar, kan gravplassmynde avgjere gravlegginga.

Festar pliktar å melda adresseendring.

§ 7. Grav og gravminne

Ved opning av ei grav kan jorda leggjast på dei omkringliggende gravene og gravutstyret kan flyttast mellombels. Gravplassmynde sørgjer for rydding og istandsetjing, og vil og sjå til at grava vert planert og tilsådd med gras etter gravlegging. Montering av gravminne kan først skje etter at gravplassmynde har godkjent gravminnet og merka staden der det skal stå. Det kan ikkje bli sett opp tidlegare enn to månader etter gravlegging av kiste. Gravminne på urnegrav kan setjast opp med ein gong etter urnenedsetjinga. Fram til det faste gravminnet er komme på plass, ordnar gravplassmynde eit merke med namnet til avdøde.

På ein nyfesta gravstad skal gravminnet plasserast i bakkant av den grava ein først nyttar. Gravminnet vert ståande der så lenge gravstaden er festa.

§ 8. Plantefelt

Framfor gravminnet er det høve til å opparbeide eit plantefelt i høgde med bakken omkring. Det må ikkje vere breiare enn gravminnet si breidde, men kan i alle tilfelle vere opp til 60 cm breitt. Det kan ikkje stikke lengre fram enn 60 cm, målt frå gravminnet sin bakkant. Det kan ikkje plantast vekstar som går over høgda til gravminnet eller går ut over plantefeltet.

I plantefeltet er det høve til å setta ned dekorgjenstandar og sorguttrykk, så lenge dei ikkje er til sjananse eller gjer drifta av gravplassen vanskeleg ved opning av grav, grasklipping, o.l., eller er brannfarleg i samband med tenning av lys, jamfør neste avsnitt.

Det er høve til å tenna lys stearinlys, oljelampe o.l. når dette er innanfor dei gjeldande føresegnene om brannvern. Lykter og lys må vere tilstrekkeleg festa, til dømes med jordspyd, eller ha ei eigenvekt som gjer at dei ikkje kjem på avveggar.

Lys og andre lause dekorgjenstandar skal fjernast etter bruk.

Det er høve til å ramma inn plantefeltet med ein delt steinkant eller ei bedplate som fluktar med terrenget omkring. Bedplate og fundament for gravminne skal ikkje hengja saman.

Dersom det ikkje er aktuelt å ha plantefelt, skal det vere grasbakke på alle sider av gravminnet.

Det er ikkje høve til å ramme inn grava med hekk eller andre materiale.

§ 9. Plantemateriale

Planter, kransar og liknande materiale som har vore nytta ved gravferd eller ved pynting av grava og som endar som avfall, skal vera heilt kompostérbare.

§ 10. Stell av grav

Kvar gravansvarleg eller festar har rett og plikt til å stelle den grava vedkomande har ansvaret for. Plantefelt som ikkje blir tilplanta eller stelt, skal den gravansvarlege eller festaren så til med gras. Elles vert det tilsådd av gravplassmynde.

Den gravansvarlege eller festaren pliktar å halde gravminnet sikra og i forsvarleg stand.

Gravansvarlege eller festaren kan inngå avtale med soknerådet, eller den som får løyve til det etter § 13, om planting og stell av grav, samt montering, sikring og vedlikehald av gravminnet. Ein slik avtale frittek ikkje den gravansvarlege eller festaren frå det ansvaret vedkomande har etter dei til ei kvar tid gjeldande føresegnene.

§ 11. Bårerom

Gravplassmynde stiller bårerom til disposisjon for den som står for gravferda., Det skal berre nyttast til oppbevaring av den døde. Ingen har tilgang utan løyve. Liksyning kan berre finna stad etter samtykke frå den som står for gravferda, og vedkjem ikkje dei tilsette.

§ 12. Næringsverksemd

Næringsdrivande som ønskjer å drive verksemd på gravplassen, skal hente inn løyve frå gravplassmynde. Løyvet kan kallast tilbake dersom vedkomande ikkje rettar seg etter dei reglane som gjeld. Slik verksemd kan berre omfatte montering, sikring og vedlikehald av gravminne, samt planting og stell av graver.

§ 13. Arbeid på gravplassane

Anleggs- og vedlikehaldsarbeid skal skje på kvardagar i arbeidstida (kl. 07:00-17:00) og må ikkje utførast på søndagar, heilagdagane eller offentlege høgtidsdagane. Ikkje noko arbeid på gravplassen må vere til sjenanse for seremoniar eller rituelle handlingar på gravplassen eller i ein bygning på gravplassen. Næringsdrivande kan berre køyre på gravplassen i den grad det er naudsynt for å gjere arbeidet. Slik køyring skal skje ekstra omsynsfullt.

§ 14. Dispensasjon frå vedtektene

Gravplassmynde kan i særlege høve, og innanfor ramma av gravplassloven og gjeldande forskrifter, fråvika §§ 5 og 6 i vedtektene.

§ 15. Ikraftsetjing og oppheving av eldre vedtekter

Forskrifta tek til å gjelda 30 dagar frå kunngjering i Norsk Lovtidend. Frå same tid blir vedtektene for Fitjar kyrkjegard frå 18.9.2014 i Fitjar kommune, Vestland Fylke, oppheva.



DEN NORSKE KYRKJA

Fitjar sokn

Vedlegg til vedtekter for Fitjar kyrkjegard

Graver på felt F som er stengde for kistegravlegging:

Alle graver som ligg på rad 1 -17 og har gravnummer 1 -021

